

Che Me Dice

Co'Sang

Uè, allo', che me dice?
Eh, niente, ommo bbè
Stanno cierti falliti d''a vecchia scola ca ce vonno dà 'ncuollo
Overo?
Cu ciert'ati scieme
E chi so'?
Ca dicenno d'essere 'a new schoolEheh
Però puverielle, me fa pena, ossaje?
Eh, fratè, nun se vonno proprio rassegnà
Nun 'o vvonno proprio capì che nun so' comme a nuje
E ca nun so' maje riuscite a mettere Napule 'ncopp'â mappa
Nuje ce l'ammo fatta e nisciuno c'ha regalato niente

'E traume 'e l'infanzia
'E vvote ca desiderare 'a morte
Fanne penzà ca 'a felicità sta
Nu chilometro cchiù 'nnanze
'Int'a na strada chine 'e traffico 'e sustanze
Male 'e panza e ambulanza
Addò o juorne è nu cunto alla rovescia
Nasce 'a mezzanotte e fernesce 'a matina
Na clessidra 'e cucaina
Addò se campa senza guida e senza fantasia
È 'a routine, esclusione d'e zone addò nun putimme ì
Mo è troppo l'odio 'nmiezo 'a via cundannate a nu libbre
Ere assaje meglje primme quanne zumpaveme da gioia
'Ncopp'a materazze abbandunate, fumanne filtre
E 'a birra apparave l'ore
Aspettanno 'a luna addivintà sole
E mo sente storie, leggende urbane
Chi spare sotto, sotto a doje mane
'E machine cu novant'anne 'e carcere a 'into
'A voglia e 'o bisogno e fà capì cà nun sò bugie
Cà ogni notte 'na pistola esplode e n'anima evapora
Ch''e cape cahre, 'e core fridde
Pronte a muri, addeventanno nu mito

Che me dice? Perichele ferite...
Che me dice? Pozze essere felice int'a n'ufficio
Ma quanne jamme a shalà, 'e gran galà, ch'e scarpe 'e vernice
Verimmece cchiù fore zona, ancora 'ncè permise...

Ammuniaca cù l'oppio int'o Moulinex
'O calcare appile 'e rubbinette
Audemars Piguet movimento tourbillon
Obbilloco vinte biglietti viola
Tentachele da piovra pe sagli 'o fondale
Vale cchiù 'e ferni inte a 'nu frontale
Poemi in idioma meridionale
Pe gli idiote, 'e mediocri, ma specie pe chi s'identifica int'o significato
Tene 'o feghete abbuffate 'e sti fecate
'A fedina penale regala stupefacenti 'a culonna fecale
Sule faccendi personali
Sempe cchiù chiare ainte 'o cannucciale
Se sò accucchiate crew contre e nuje
Pecchè manchene 'e contenuti
E pò arranchene a fà n'affare

Che ce vuò fà Frà simme 'nfame
'A ricerca r'o gergo è 'a ricetta
E ogni concerto e l'Incendio
Gajole 'e giument', cardille marjuole 'e semente
Addrizzene avversità
Asciute a ccà stess' indirizz'
Ma tourne pe tutte 'e città

Che me dice? Perichele ferite...
Che me dice? Pozze essere felice int'a n'ufficio...
Ma quanne jamme a shalà, 'e gran galà, ch'e scarpe 'e vernice
Verimmece cchiù fore zona, ancora 'ncè permise

Oh oh oh, 'o ssaje a chi s'hanno purtato?
Tu 'o ssaje m'ha lassato 'a guagliona?
Eh, e quanno maje, e pecché?
Dice che dico troppi parole
Eh vabbuò
So' arrogante, tengo nu carattere 'e merda
Fra, ma che tiene a vedè?
Loro so' comme 'e sorde, vanno e veneno